



Školski dani

februar 2018. godine

broj 26

Školske novine OŠ "Slavinovići" Tuzla



Marinela Mitić 9b
Stablo



<https://skolaslavinovici.weebly.com/>



Školski dani

ZA IZDAVAČA: JU OŠ Slavinovići Tuzla.

REDAKCIJA: Taiba Hamidović - glavni urednik, Mirsad Muhamedbegović, Dijana Sprečić, Indira Jaranović, Arijana Mulabećirović - tehnička obrada, Amira Šehić - lektor.

SARADNICI: Almirdina Gardaš, Enisa Isović, Rahima Hujdur, Emin Jusufović, Senada Muratbegović, Zemka Bukvarević, Amira Čaušević, Arijana Sadiković, Elma Jahić, Zijad Agić, Amer Redžić, Dijana Kovačević, Mirela Grbešić, Indira Jaranović, Ahmo Ibišević, Amira Omanović, Admirah Ahmetović, Mirela Ahmetović.

Žarka Vukovića Pucara 15 tel: +378 36 48 55; +378 36 48 56;
fax: +387 36 48 57; e-mail: osslavin@yahoo.com



Riječ direktorice



Dragi moji,

Biti na čelu osnovne škole u bilo kom vremenu i bilo kom društvu predstavlja veliki izazov, ali i obavezu i odgovornost.

Imperativ današnjeg vremena je da škola postane zanimljiva, privlačna i podsticajna za učenika i inspirativna za nastavnika. Misija naše škole je da podiže efikasnost i kvalitet nastave, da podstiče lični razvoj učenika u skladu sa njegovim sposobnostima i mogućnostima, da njeguje drugarstvo, iskrenost, humanost i toleranciju. Naša škola podstiče lični i kolektivni razvoj svih zaposlenih, razvija svijest o pravima i odgovornostima, njeguje međusobno razumijevanje i uvažavanje.

Težimo da kroz partnerski odnos nastavnika, učenika i roditelja, korišćenjem savremenih nastavnih metoda i sredstava, stvorimo privlačnu i efikasnu školu u kojoj će djeca imati uslove za svoj razvoj.

Sve što je do sada urađeno u proteklih nekoliko godina, zaslužni su svi zaposleni u školi, kroz seminare, projekte, sekcije, donacije, svakodnevnu nastavu i poslove, intenzivnim radom i entuzijazmom doprinelo je da se podigne ugled naše škole na visok nivo. Veliku nesebičnu pomoć uvijek smo imali i od roditelja i od mnogih prijatelja škole.

Veoma sam ponosna na ono što smo zajedno postigli, ali ovo nije trenutak kada treba da se stane. Još mnogo posla je pred nama. Imamo svoju misiju i viziju, imamo i divne učenike. I svi zajedničkim radom i uzajamom saradnjom i poštovanjem možemo postići sve što želimo.

Vaša direktorica
Lejla Beširović



Posjete

Učenici OŠ “Slavinovići” u posjeti Memorijalnom centru Potočari



3.11.2017.godine organizovana je posjeta Memorijalnom Centru Potocari-Srebrenica. Učenici osmih i devetih razreda naše škole, sa nastavnicom Rahimom Hujdur, su položili cvijeće na spomen obilježije, proučili Jasin-šerif i fatihu pred duše šehida, prisustvovali historiskom času, pogledali historiski film o stradanju Bošnjaka te obišli muzej žrtava.



Posjete

Učešće u mevludskoj svečanosti



Dana 11.12.2017. godine, naša škole je, u Islamskom centru Tušanj, učestvovala u programu mevludske svečanosti "Stopama Allahovog poslanika".

Hamad, Aldijana, Lamija, Nejra, Šejla, Nerma, Emin i Edina sa svojom nastavnicom Hujdur Rahimom

Predstava "Iskorak" u BKC-u



Naši učenici posjetili su BKC i odgledali sjajnu predstavu "Iskorak"



Posjete

Učenici naše škole na projekciji filma "Čudo"

English club i dramska sekcija OŠ "Slavinovići" Tuzla je u okviru svojih aktivnosti organizovao posjetu kinu CineStaru u Bingo City Centru. 98 učenika viših razreda je gledalo kino projekciju filma "Čudo" baziran na bestseleru Njujork Tajmsa – koja je neverovatna, inspirativna, topla priča o desetogodišnjem dječaku unakaženog lica Ogiju Pulmanu koji je zbog genetskog poremećaja imao 28 teških operacija te se tek sa deset godina upisuju u peti razred škole "Beecher". On u školu kreće s puno neverice i straha i biva svakodnevno izložen pogledima, zgražavanju i komentarima drugih učenika.



Poučan, slojevit i pun emocija sa jakim porukama, film je naše učenike podstakao na razmišljanje i nije ih ostavio ravnodušnim.

Cilj posjete projekciji ovog filma je da učenici razviju toleranciju, empatiju, smanjimo međuvršnjačko nasilje i prihvaćanja osoba koje su različite i drugačije kroz socijalnu inkluziju. Takav pristup čini našu širu zajednicu bogatijom i boljom.

Voditeljice: Arijana Mulabećirović, prof; Almirdina Gardaš, prof i Mirela Ahmetović, prof.



Posjete

Posjete i izleti učenika OŠ "Slavinovići"

Učenici II b razreda naše škole su u okviru nastavnih i vannastavnih aktivnosti posjetili niz različitih ustanova i institucija. U prethodnom periodu bile su to mnoge posjete različitim mjestima. Pogledajte zanimljivo, poučno i nesvakidašnje druženje učenika i nastavnika sa predstavnicima i službenicima oružanih snaga, vatrogasnim službama, službenicima BH pošte i banaka, školskoj biblioteci,...





Takmičenja

Školsko takmičenje iz hemije

U našoj školi je održano Školsko takmičenje iz hemije za devete razrede. Najbolje rezultate postigle su: Jahić Elmedina, Mehanović Majra i Mitić Marinela. One su učestvovali na Gradskom takmičenju iz hemije, koje je održano u OŠ "Brčanska Malta" dana 17.02.2018. godine.

Na takmičenju su učestvovali 61 učenik iz 22 škole.

Naše učenice su uspjеле plasirati našu školu OŠ "Slavinovići" na visoko 3. mjesto. Mitić Marinela je dobila diploma za individualno 3. mjesto, čime je stekla pravo na učešće na Kantonalnom takmičenju iz hemije.

Zahvaljujemo nastavnici Delić Lenki što je svojim dodatnim radom pomogla učenicama da postignu dobre rezultate na takmičenjima.





Takmičenja

Međunarodni dan sigurnosti na internetu

Takmičenjem iz "Sigurnosti na internetu", učenika od 6.-9.razreda obilježen je ovaj dan. Iako su svi učenici pokazali izuzetno znanje, najbolji od svih bio je Džinović Azur koji je dobio simboličnu nagradu, a svi učesnici su dobili diplome.

IDan sigurnog interneta 2018. godine u svijetu će se obilježiti 06. februara pod sloganom „Stvaraj, poštuj i poveži se: Bolji internet počinje s tobom“.

Svake godine, na drugi dan druge sedmice drugog mjeseca hiljade ljudi širom svijeta se udružuju kako bi učestvovali u događajima i aktivnostima kojima žele podići svijest o sigurnosnim problemima na internetu.

Na inicijativu MFS-EMMAUS-a ovaj Dan obilježava se i u Bosni i Hercegovini uz podršku Komiteta za obilježavanje Dana sigurnijeg interneta BiH (SID Komitet BiH) kroz takmičenje za učenike osnovnih i srednjih škola, na temu sigurnosti na internetu. Takmičenje se realizira u suradnji sa Centrom za sigurniji internet Hrvatska - Centar za nestalu i zlostavljanu djecu (CNZD) Osijek i sastoji se od online kviza sa pitanjima vezanim za sigurno korištenje interneta, koji će biti dostupan putem web stranice www.dansigurnijeginterneta.org.

Prošle godine kviz je riješilo preko 24 000 učenika iz Hrvatske, BiH i Srbije.





Takmičenja

6. mjesto na “Jezičko-književnoj olimpijadi”

Učenici OŠ „Slavinovići“ učestvovali su na Kantonalm takmičenju „Jezičko-književna olimpijada“ koje je 16.decembra 2017.godine organizovala Međunarodna osnovna škola Tuzla u saradnji sa JU OŠ „Brčanska Malta“. U kategoriji: DEBATA, ekipu naše škole koja je osvojila 6.mjesto predstavljali su učenici VIII razreda: Admir Haračić, Amina Kaljević, Aid Čahtarević i Nejira Sarajlić (mentor Almirdina Gardaš, profesorica BHS jezika i književnosti).



Takmičenju su pristupili učenici iz brojnih osnovnih škola sa područja Tuzlanskog kantona, a broj učenika je premašio očekivanja. Kako su organizatori naveli, obrazovne institucije imaju veoma važnu ulogu i odgovornost u stvaranju zdravog društva pa zbog toga se moramo zapitati šta svako od nas može učiniti da doprinese tome. Takmičenju je pristupilo preko stotinu učenika koji su za svoje zalaganje i trud dobili certifikate, a najuspješniji su dobili i vrijedne nagrade.

Važno je napomenuti da je ovo inovativno takmičenje iz ove oblasti jedinstveno ne samo u našem Kantonu, već možemo reći i u cijeloj državi. Tome svjedoči veliki broj učesnika koji se nadaju da će ova Olimpijada postati tradicija i odlična prilika za druženje učenika iz svih krajeva našeg Kantona.



Ekskurzija

Maturalna ekskurzija

Tuzla-Zagreb-NP Brijuni- Rovinj-Limski kanal - Poreč

Naši završni, deveti razredi bili su na maturalnoj ekskurziji u Hrvatskoj. Ni povremeno loše vrijeme nije moglo pokvariti divne trenutke zajedničkog druženja koji će se pamtitи zauvijek.





Projekti

Projekat Razvojnog tima "Majstoriye šegrtu Hlapića"

Fondacija tuzlanske zajednice odobrila je naš prijedlog projekta i uručila našem razvojnog timu vrijednosni ček. Ovim projektom želimo unaprijediti uslove za razvoj naše odgojno-obrazovne sredine, podstaknuti kreativnost, saradnju i druženje učenika, nastavnika i roditelja, te organizovati proljetni „Sajam rukotvorina“ »OŠ Slavinovići«. Sredstva koja će se prikupiti prodajom naših rukotvorina želimo usmjeriti za nabavku materijala i pripremu radova za Smotru tehničkog stvaralaštva osnovnih škola.



Prvi korak projekta je započet radionicom "Alati i materijali za izradu suvenira". Gosti su bili zaposlenici i učenici Mješovite srednje škole "Sapna". Inače, učenici ove škole sa svojim nastavnicima, su za naše svlačionice napravili klupe i vješalice. Materijal za klupe i vješalice donirala je firma Deling.

Priredbe



Dan državnosti BiH

Povodom rođendana naše jedine domovine Bosne i Hercegovine održali smo svečanu priredbu, sa željom da ponosno, s ljubavlju i svečano, obilježimo ovaj, za sve nas Bosance i Hercegovce, veliki praznik. Priredbu su pripremili učenici viših razreda naše škole u saradnji sa svojim nastavnicima, a voditelji priredbe bili su učenici VIII razreda Nejra Sarajlić i Admir Haračić.

Nakon intoniranja državne himne, direktorica Lejla Beširović se obratila prisutnima i uputila prigodnu čestitku povodom 25. novembra. Učenica Arina Behlilović pročitala je kratak historijski osvrt o burnoj prošlosti naše države, a potom je uslijedio bogat kulturno-umjetnički program.



Radionice



Kreativne i edukativne radionice

Učenici II a, IIIa, III b, IV a, IV b, V a i njihovi nastavnici su učestvovali u niz zanimljivih, kreativnih i uspješnih radionica u prethodnom periodu. Imali smo goste, druge organizacije, roditelje koji su nam pomogli u realizaciji radionica: "Dogtrust", "Why English", "Učimo od onih koje volimo", "Dekupaž za početnike", "Međunarodni dan jabuka", "Ususret zimi", "Zdravstvene ustanove", "Vježbom do zdravlja", "U susret zimi", i mnoge druge.



Sekcije



Aktivnosti ekološke sekcije

Ekološka sekcija naše škole pod vodstvom nastavnice Emine Jusufović realizovala je niz zanimljivih aktivnosti i predavanja od kojih posebno ističemo: Međunarodni dan zaštite močvara, obilježavanje Dana ekologije, te predavanje na temu odlaganja otpada.





Sekcije

Radovi likovne sekcije

Vrijedni učenici likovne sekcije izložili su najbolje radove



Marinela Mitić: Ćilim



Adil Hujdur: Crtež linijama



Marinela Mitić: Djevojka



Muratović Ajla: Izmišljeni grad




Amila Hadžigrahić: Zvončić



Selma Imamović: Kornjača



Tarik Mušić: Oko



Marinela Mitić: Stablo

Priredbe



Školske priredbe

Značajne datume naša škola obilježila je priredbama koje su ožane u povodu Nove godine, Dana državnosti, Dana nezavisnosti, Dana dječije radosti, te priredbe u susret jeseni i zimi.



Izleti



Zimski izlet na Vlašić




Naši učenici i nastavnici boravili su na jednodnevnom izletu na planini Vašić. Skijanje, sankanje i ostale zimske radosti na čistom zraku donjele su crvene obaze i osmjehe na lica.

Zanimljivosti



Selfie



Svi ste čuli za ovo. Selfiji su fotografije na kojima fotografiramo sami sebe ili nas s našim prijateljima. Nastali su prije 100 godina, ali u moderno doba postali su opsesija. Na dan ljudi naprave više od 2 milijarde selfija, a njih 400 milijuna se podijeli na društvenim mrežama. Grupa The Chainsmokers je ove godine napisala pjesmu kojom su pokušali ismijati selfie, ali njihov plan nije uspio već je selfijima dao još veću pozornost. Jedna osoba ima prosječno 1000 selfija. Selfie je preuzeo svijet, poznati pjevači, glumci pa čak i predsjednici rade selfije.

Ima puno vrsta selfia: Duck face, Peace sign, Puppy face... Toliko su popularni da su neke poznate slike, kao Mona Lisa doble mobitel u rukama i Duck face na licu.

“Ljepotica sa periferije grada” kako se davnih 60-tih i 70-tih godina prošloga vijeka zvala je Osnovna škola „Slavinovići. Osnovna škola „Slavinovići“ je interesantna po tome što su je pohađale mnoge generacije. U istim klupama osnovno obrazovanje su sticali i djedovi i njihovi unuci. Mnogi njeni bivši učenici su danas izuzetno uspješni ljudi (naučni radnici, privrednici, sportisti, političari



Javna ustanova Osnovna škola “Slavinovići” je počela sa radom 24.12.1945. godine. Od 18.05.1964. godine osnovne škola u Slavinovići nosi ime Osnovna škola “Amalija Lebeničnik” Tuzla. Amalija Lebeničnik živjela je u Slavinovićima radila je za radnički pokret, sarađivala je i dopisivala se sa Rozom Luksemburg i učestvovala u Njemačkoj revoluciji 1919., aktivna i u Narodnooslobodilačkom pokretu. Strijeljana u 66. godini života. 31.03.1993. godine naziv osnovnih škola OŠ “Amalija Lebeničnik” je dobila novo ime - OŠ “Slavinovići”.



Školski dani